

已為過矣况今為陞品未便李貴宗人物輕躁不合於治民之任洪混  
前無踐歷今為陞品未便請并改正傳曰洪彥弼昨政吏曹以無可當  
注擬之人取稟命以從二品陞叙况人物可用宰相之列不必計其久  
近許洽以為正郎而遷為四品今除輔德循資格雖不可不計此人人  
物可用不必盡計其循資格也餘亦不見○五更巽方有氣如火○甲  
申御夕講○臺諫啓李茂金憲胤洪彥弼洪混事憲府啓洪澍金沈  
事及刑曹正郎金敬思來歷本小大抵以南行五品未久而即為正郎  
則六曹不重也請改正諫院啓崔沆李貴宗李璫事皆不見○乙酉  
御夕講○臺諫啓洪彥弼李茂金憲胤許洽洪混事憲府啓金敬思洪  
澍金沈事諫院啓崔沆李貴宗李璫事皆不見○黃海道觀察使金謹  
思馳啓曰道內去丙子年後連遭凶荒民間飢饉日就貧困不能蘇復  
今年則沿海及山郡一樣失農專無准移救活處必須賑救然後可以  
少蘇故備荒節目相考前例開錄啓聞○丙戌御朝講○御夕講○  
臺諫啓洪彥弼李茂許洽洪混金憲胤事憲府啓金敬思金沈洪澍事  
諫院啓崔沆李貴宗李璫事皆不見○丁亥御夕講○臺諫啓前事  
皆不見○日暈○戊子冬至賀禮以權停例行○傳于政院曰丹木四